

Na osnovu člana IV.4.a) Ustava Bosne i Hercegovine, Parlamentarne skupštine Bosne i Hercegovine, na _____ sjednici Predstavničkog doma, održanoj _____ godine, i na _____ sjednici Doma naroda, održanoj _____ godine, usvojila je

ZAKON

o izmjenama i dopunama Zakona o plaćama i naknadama u institucijama BiH

Član 1.

U Zakonu o plaćama i naknadama u institucijama BiH ("Sl. Glasnik BiH", br. 50/08) u članu 8. (Platni rezredi i koeficijenti za izabrana imenovana lica) u tabeli dadaju se novi platni razredi :

Platni razred	Radno mjesto	Koeficijent
A1	Predsjedavajući i zamjenik predsjedavajućeg doma Parlamentarne skupštine Bosne i Hercegovine	8, 70
A2	Predsjedavajući Kluba poslanika/delegata u Parlamentarnoj skupštini Bosne i Hercegovine, predsjedavajući parlamentarne komisije	8, 50
A3	Poslanik i delegat u parlamentarnoj skupštini Bosne i Hercegovine	8, 40

Dosadašnji platni razredi A1 i A2 postaju platni razredi A4 i A5.

Član 2

U členu 30. u stavu 1. tačka i) briše se.

Član 3.

Član 39. briše se.

Član 4.

Ovaj zakon stupa na snagu osmog dana od dana objavljivanja u "Službenom glasniku BiH".

PSBIH, broj : _____

Datum : _____

Sarajevo

Predsjedavajući
Predstavničkog doma
Parlamentarne skupštine BiH

Predsjedavajući
Doma naroda
Parlamentarne skupštine BiH

OBRAZLOŽENJE

I USTAVNI OSNOV

Pravni osnov za donošenje Zakona o izmjenama i dopunama Zakona o platama i naknadama u institucijama Bosne i Hercegovine sadržan je u članu IV. 4. a) Ustava Bosne i Hercegovine kojim je utvrđeno da je Parlamentarna skupština Bosne i Hercegovine nadležna za donošenje zakona.

II RAZLOZI ZA DONOŠENJE ZAKONA

Imajući u vidu situaciju u kojoj se nalazi društvo i država Bosne i Hercegovina, a koja je uzrokovana globalnom ekonomskom krizom potrebno je usvojiti mjere štednje na onim naknadama zaposlenih koji zaista ne iziskuju angažovanje izvan redovnog radnog vremena i nepotrebno se troše sredstva budžeta.

Razlozi za donošenje Zakona o izmjenama i dopunama Zakona o platama i naknadama u institucijama Bosne i Hercegovine proizilaze iz dosadašnjeg rješenja, kojim se plaće i naknade poslanika i delegata reguliraju Odlukom Zajedničke komisije za administrativne poslove, ne daju odgovarajuće rezultate s obzirom na česte izmjene i dopune ove Odluke koje se direktno odražavaju na usvojeni Budžet Parlamentarne skupštine BiH dovodeći u pitanje njegovo izvršavanje, odnosno potrebu za njegovim prestrukturiranjem i traženjem dodatnih sredstava iz rezerve.

Evidentno je da se na nivou svih institucija Bosne i Hercegovine troše enormna sredstva za isplatu naknada za rad u upravnim odborima, nadzornim i drugim radnim tijelima, a činjenica je da se ova vrsta poslova obavlja u toku radnog vremena, pa treba imati tretman redovnog posla.